

S P O R A Z U M
o Konzorciju metalske industrije
Tuzlanskog kantona

Tuzla, maj/svibanj 2011. godine

S P O R A Z U M

o Konzorciju metalske industrije Tuzlanskog kantona

Član 1.

Svrha Konzorcija

Članice Konzorcija, saglasno potvrđuju da je cilj ovog Sporazuma regulisanje međusobnih odnosa u okviru projekata – zajednički nastup na domaćem i ino tržištu u oblasti elektroenergetskih projekata, projekata u oblasti građevinarstva, saobraćaja i sl.

U svrhu dobijanja i realizacije određenih projekata na tržištu, članice Konzorcija saglasno potvrđuju da će nastupiti kao jedan ponuđač.

Član 2.

Sastav Konzorcija

Konzorcij se sastoji od Osnivača (Osnivači Konzorcija):

- CIMOS „TMD Ai,, d.o.o. Gradačac,*
- Tvornica transportnih uređaja „TTU“ d.d. Tuzla*
- „Remontmontaža“ d.d. Tuzla,*
- „Herceg“ d.o.o. Srebrenik,*
- „Elektro-agent“ d.o.o. Tuzla,*

Priključenje novih članica (Pridružene članice) može se izvršiti uz pisanu saglasnost svih potpisinica, putem Anexa ovog Sporazuma.

Član 3.

Lider Konzorcija

Članice Konzorcija su saglasne da se lider odredi Anexom ovog Sporazuma, za svaki projekat ili po drugim principima koje usaglase.

Lider Konzorcija, ovim Sporazumom je ovlašten, da u ime svih članica Konzorcija, poduzima potrebne radnje u smislu zastupanja konzorcija u odnosima sa trećim licima. Što se također utvrđuje Anexom.

Lider Konzorcija je dužan da neodložno informira sve članice konzorcija o svim aktivnostima koje kao lider Konzorcija vodi po svim pitanjima za realizaciju poslova po predmetnom projektu, a na način koji će biti definisan Anexom Ugovora.

Član 4.

Obaveze članica Konzorcija

Sve članice Konzorcija će preduzimati aktivnosti i mjere, svako u okviru svoje nadležnosti, u cilju ostvarenja svrhe Konzorcija, te se međusobno pomagati u izvršenju obaveza po ovom Sporazumu.

Svoje potrebe za proizvodima i uslugama ili opremom i sredstvima za rad članice konzorcija će prvenstveno podmirivati iz svojih redova i svojih kapaciteta.

Sve članice Konzorcija se obavezuju da će, postupajući u okviru svojih nadležnosti, utvrđenih ovim Sporazumom, voditi računa i štiti interese svih članica Konzorcija.

Prava i obaveze, uključujući rizik, raspodjelu dobiti i međusobnu odgovornost za ne izvršenje, odnosno neuredno izvršenje svojih obaveza, regresna prava itd, prilikom ostvarenja svrhe Konzorcija po realizaciji pojedinih projekata, utvrdit će se Anexom ovog Sporazuma.

Član 5.

Odgovornost partnera – članica Konzorcija

Članice Konzorcija su saglasne da je odgovornost svih članica prema investitoru, za sve obaveze proizašla iz ugovora vezanih za ostvarenje svrhe ovog Konzorcija, potpuno jednaka i solidarna.

Član 6.

Razmjena informacija

Članice Konzorcija se obavezuju da jedna drugoj stavi na raspolaganje svu relevantnu dokumentaciju, informacije i obavijesti kojima raspolaže ili ih naknadno stekne, a bitne su za uspješno vođenje pregovora, odnosno, za realizaciju projekata.

Član 7.

Obavijesti

Sve obavijesti predviđene ili zahtijevane u ovom sporazumu, biće pisane i dostavljene direktnim uručenjem, poslane potvrđenom i preporučenom poštom, ili putem faksa sa potvrdom pošiljaoca, odnosno na adrese koje članice Konzorcija odrede, u skladu sa ovim članom.

Sve obavijesti po ovom Sporazumu će biti važeće samo nakon stvarnog prijema.

Član 8.

Povjerljivost

Strane se obavezuju da će međusobno čuvati poslovnu tajnu iz osnova djelatnosti Konzorcija, te da neće odavati sadržaj ovog Sporazuma trećim licima, izuzev u dijelu koji je potreban da se dobiju neophodna ovlaštenja ili za druge, zakonom predviđene namjene.

Član 9.

Ostale odredbe

Članice Konzorcija su obezbijedile i nastaviće da obezbjeđuju jedna drugoj sve informacije koje jesu ili mogu biti od interesa za druge članice, da bi se realizirala svrha Konzorcija. Članice Konzorcija su dužne ako znaju ili treba da znaju da bi drugim članicama ove informacije mogle biti relevantne u cilju izvršavanja dužnosti i obaveza iz ovog Sporazuma da iste dostave.

Modifikacija, amandman ili druga izmjena na ovaj Sporazum bit će obavezujuća za članice Konzorcija, samo ukoliko je u pisanom obliku potvrđena i potpisana od članica Konzorcija.

Član 10. **Primjenjljivi zakon**

Ovaj Sporazum će biti interpretiran u skladu sa zakonskim i podzakonskim aktima Bosne i Hercegovine i Federacije Bosne i Hercegovine .

Član 11.
Finansijskim planom Konzorcija će se predvidjeti obaveze prema Konzorciju, što će posebno biti regulisano odgovarajućim amandmanom /anexom ovog Sporazuma.

Član 12.
*Svaka članica Konzorcija će imati svog ovlaštenog predstavnika za koordinaciju rada Konzorcija i njegovih organa.
Predsjedavajući kordinacije bira se svakih šest mjeseci po sistemu rotacije između osnivača konzorcija.*

Član 13.
Rješavanje sporova
*Članice Konzorcija su saglasne da sve eventualne sporove rješavaju sporazumnim putem u duhu dobrih poslovnih običaja.
Ukoliko se ne postigne saglasnost za rješavanje sporova, sporovi će se rješavati putem stvarno nadležnog suda u Tuzli.*

Član 14.
Raskid Sporazuma o Konzorciju
*Ovaj Sporazum se može raskinuti sporazumnim putem svih članica Konzorcija.
Jednostrana odluka člana Konzorcija o istupanju iz Konzorcija bit će prihvaćena od ostalih članica Konzorcija, samo uz uslov da se članice sporazumiju o izmirenju preuzetih prava i obaveza .
Jednostrani raskid ovog Sporazuma je efektivan 30-i dan od dana postignutog Sporazuma članica o načinu izmirenja prava i obaveza .*

U slučaju jednostranog raskida Sporazuma, ostale članice Konzorcija koje nisu jednostrano raskinule ovaj Sporazum imaju pravo (jedna od njih ili sve), da uz saglasnost ostalih članica-partnera, preuzmu prava i obaveze članice konzorcija koja je podnijela zahtjev za istupanje .

Član 15.
Sastavni dio ovog Sporazuma čini pregled rapoloživog tehničkog kapaciteta članica Konzorcija.

Član 16.

Ovaj Sporazum stupa na snagu danom potpisivanja.

Član 17.

Ovaj Sporazum je sačinjen u osam (8) primjeraka, od kojih svaka strana potpisnica zadržava po jedan, dva originalna primjerka zadržava Ministarstvo industrije energetike i rudarstva Tuzlanskog kantona i jedan primjerak dostavlja se sindikatu metalaca Tuzlanskog kantona.

Potpisnici Sporazuma:

Osnivači Sporazuma:

**CIMOS „TMD Ai,, d.o.o. Gradačac
Direktor: Novalić Fadil, dipl.ing.maš.**

**Tvornica transportnih uređaja „TTU“
d.d. Tuzla
Direktor: Kadrić Dževad, dipl.ing.maš.**

**„Remontmontaža“ d.d. Tuzla,
Direktor:Nurkanović Muhamed, dipl.ing.maš.**

**„Herceg“ d.o.o. Srebrenik,
Direktor: Karić Ramiz, dipl.ecc.**

**„Elektro-agent“ d.o.o. Tuzla,
Direktor: Ibrahimagić Ibrahim dipl.pravnik**

Pridruženi članovi:
